

# Kontuola

ANTZUOLA / Egubakoitza / 2002ko abenduaren 5a / 137. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

## Oraingo astetik aurrera, Urkuluko ura izango dugu herriko iturri guztietan

AINZANE IRIZAR

Bukatu dute Urkulutik Antzulara ura ekartzeko azpiegitura osoa. Joan den eguaztenean, udal ordezkariak, lanak egin dituen enpresako arduradunak eta Gipuzkoako Ur Partzuergo obra zuzendariak inspektzio bisita egin zuten hodiak sartu dituzten bide osoan barrena.

Aurten, martxoan, bukatu zuen Gipuzkoako Ur Partzuergoak Urkulutik Antzulara ura ekartzeko azpiegituraren proiektua. 1994. urteko proiektua zuen esku artean Gipuzkoako Ur Partzuergoak, baina zaharkituta zegoela eta, zenbait aldaketa egin zizkionten proiektu horri. Esan bezala, martxoan bukatu zuten proiektua, eta maiatzean, berriz, hodiak sartzeko lanekin hasi ziren.

Bederatzi hilabeteko kontratua zuen lanak egin dituen enpresak azpiegitura osoa bukatzeko, baina zazpi hilabete baino gutxiago behar izan ditu.

### URKULUKO URAK, ABANTAILA UGARI

Erremate txiki batzuk besterik ez dira falta lanekin amaitzeko, baina oraingo astetik bertatik aurrera, Urkuluko ura izango dugu Antzularako etxe guztietan.



Maiatzean hasi zituzten Urkulutik ura ekartzeko lanak.

Gipuzkoako Ur Partzuergoak joan den astean hasi zituen Aitzagako ur-depositua garbitzeko lanak.

Udaleko arduradunen eta Ur Partzuergoaren esanetan, hainbat abantaila ditu herrian Urkuluko ura izateak: alde batetik,

sikate garaian, ziurtatuta izango dugu ur hornidura; bestetik, eta garrantzitsuena, uraren kalitatea da. Urkuluko urak sanitare zuzendura guztiak betetzen ditu.

Orain arte herriko hainbat iturburutako ura hartu izan dute antzularrek. Hemendik aurrera

ere iturburu horietako ura erabiltzen jarraitzeko asmoa erakutsi dute Antzularako Udalak eta Gipuzkoako Ur Partzuergoak. Urkuluko horniduran akatsen bat izaten baldin bada edo larrialdi kasuren baten, herriko iturburuetako ura erabiliko dute.

## HERRITARREN HITZA / Alaitz Jauregi • Gizarte laguntzailea

### Lotsagarrixa benetan

Danok enteratu gara Galizia alde hortan petroleua dala ta zabaldu dan berrixakin; zikinkerixa ederra egin dabe, argi eta garbi esanda: hainbeste animala hil, hainbeste natura kutsau... desastre galanta, ez dago eskubiderik. Eta nik esaten dotena da: komeni jakuenian beste egoera batzuk azkar konpontzen dittue, ba!!! Kasu honetan ze, hau konpontzeko ez dauke intentziñorik ala? Baina tristiena ez da hori, okerrrena da jendia ja hasi dala kejatzen Gabonetan ez dabelako nahi beste marisko eta arrain

edukiko! Mesedez! Mundu erdixak ez dauka egunero jateko ogirik, ez edateko urik, eta gu hemen kapritxuei begira?

Hori izengo da orduan hainbeste entzuten dan "espíritu navideño" dalakua. Egixa da Gabonetako epokiak bere gauza onak be badauzkala, ez dogu esango dana negatibua danik. Baina nere ustez benetan lotsagarrixa da Gabonei gaur



"Lotsagarrixa da Gabonei emuten jakuen zentzua"

egun emuten jakuen zentzua; zergaittik esaten doten hau? Hasteko, bi hillabete lehenago hasten direlako telebistan, propagandetan e.a. Gabonetako gauzak sartzen.

Eta tragatzen dittugun "programa solidarixoa" deitzen jakuenak? Puf! Zihero emozioantia izaten dira:

hiru duro dauzkanak bi eta erdi emuten dittu, 50 kilo dauzkanak 50 duro eta eskatu eta

eskatu jarduten dabenek ez dakit zenbat orduan, eskerrak, besterik ez.

Hori, gainera, bi egun konkretotan, eta urtiak dauzkan gainontzeko 363 egunetan, zer? Biharra daukan jende hori dana ez da esistitzen urte osuan, ala? 48 orduan bakarrik akordatzeko gara eurekin, ala?

Hobe dogu danok egunero-egunero jartzia geure aldetik ondokuari, ingurukuari eta urrin dagonari laguntzeko borondate pixka bat Gabonetan, udaberrixan, udan eta baita udazkenian be. Ez dozue hola pentsatzen?

## LABUR

### Nesken futbol taldea osatu nahi du Kirol Elkarteak

Irailerako ez zuten lortu nesken futbol talderik osatzea. Orain, Kopa Txapelketarako taldea osatu nahi dute Antzulara Kirol Elkarteak. Futbol talde horretan jokatu nahi duten neskek abenduaren 15a baino lehen eman beharko dute izena, Tomas Ormaetxe presidenteari deituta.

### Eskulan ikastaroa egingo dute, urtarrilean hasita

Udalak Eskulan ikastaroa antolatu du, eta urtarrilean hasiko da. Pintura dekorati-boaren gainekoa izango da, eta egunetan eskainiko dute ikastaro hori, 15:00etatik 17:00etara, hain zuzen ere. Izena emateko epea dagoeneko zabalik dago, abenduaren 20ra arte, Antzularako udaletxean.

### Amaia Zabaletari bukatu zaio lan kontratua

Kirol teknikari lanetan hasi zen Antzularako Udalean Amaia, eta azkeneko hilabeteotan Kultura teknikari lana ere egin du. Orain, baina, kontratua amaitu zaio, eta Jone Larrañaga itzuli da Udaleko Kultura teknikari lanpostura. Amatasun bajarekin egon da Jone azken hilabeteotan.

### Giltza sorta handi bat azaldu da udaletxean

Aurreko astean, giltza sorta handi bat topatu zuten, eta udaletxeko bulegoan dago. Besteak beste, etxeko giltzak eta automobilekoak ditu sorta horrek. Norbaitek giltzak galdu baldin baditu, udaletxean topatuko ditu. Gogorra ezazue, bestalde, kalean topatutako gauza asko egoten dela udaletxeko bulegoan.

ELKARRIZKETA

ALAITZ ZABALO/FLAUTA JOTZAILEA

*“Aspalditik genuen haize boskotea osatzeko ideia; azkenean, duela urtebete sortu genuen Zura taldea”*

**Z**ura haize boskoteko kide da Alaitz Zabalo; joan den zapatuan eskaini zuen talde horrek lehen emanaldia, Bergarako udaletxeko osoko bilkuren aretoan. Orain dela urtebete sortu zuten taldea, eta Alaitzek flauta jotzen du.

**Zer moduz joan zen zapatuko emanaldia?**

Oso ondo; jendez gainezka egon zen osoko bilkuren aretoa, eta jendeari asko gustatu zitzaion emanaldia. Jendearen jarrerarekin oso gustura geratu ginen. Hiru bergararrek, arrasatear batek eta zuk zeuk osatzen duzue Zura boskotea. Zelan osatu zenuten taldea?

Aspalditik genuen taldea osatzeko ideia, baina fagota falta zitzaigun eta ez genuen lortzen taldea osatzerik. Azkenean, duela urtebete inguru, boskotea osatu eta entseguetan hasi ginen. Bat izan ezik, gainerakook aspalditik



AINZANE IRIZAR

ezagutzen genuen elkar, Bergarako Bandako kide gara-eta. **Ze musika mota egiten duzue?**

Denetik pixka bat: klasikoa, gaur egungoa... Bergarako emanaldian, esaterako, gaur egungo

piezak eskaini genituen, batez ere, baina denetik egiten dugu. Entzuteko oso erraza da egiten dugun musika.

**Bergarako Bandan diharduzu, Zura haize boskotean diharduzu, Musika Ikaske-**

**tak egin dituzu, flautako gorengo maila, eta abar. Esan daiteke zure bizitzan musikak toki garrantzitsua betetzen duela.**

Bai; bestalde, Bilbon flauta orkestra bat ere sortu dugu, flauta familia osoarekin osatutako orkestra. Egia da oso garrantzitsua dela niretako musika, betidanik gustatu izan zait musika; txikitatik nahi izan dut flauta jotzaile izan.

**Aurrera begira, emanaldi gehiago eskaintzeko asmorik baduzue?**

Bai; gainera, oso serio hartu dugu taldeko lana kide guztiok, eta horixe da gure nahia, gure lanarekin eta emanaldiekin aurrera jarraitzea.

**Eta diskoren bat argitaratzeko asmorik baduzue?**

Ez; horrelakorik ez dugu pentsatu. Grabazio bat egiteko asmoa daukagu, gure taldea eta egiten dugun musika ezagutzera emateko, baina diskorik, oraingoz, behintzat, ez.

LABUR

**Zapatuan jokatu zituzten pilotako finalerdiak**


Olalde elkarteak antolatutako Pilota Txapelketako finalerdietako hiru partidu joan den zapatuan jokatu zituzten. Horren ondorioz, finalera iritsiko diren hiru bikote erabakita geratu ziren.

Bigarren mailan, bi bikote hauek arituko dira aurrez aurre hilaren 14ko finalean: Iturbe-Ormazabal eta Sánchez-Pagalda.

Lehen mailari dagokionez, finalerdietako partidu bat bakarrik jokatu zuten joan den aste bukaeran, eta honako bikotea sailkatu zen finalerako: Larrañaga-Oruesagasti bikote elosuarra, hain zuzen ere. Lehen mailako beste finalerdia bihar, zapatua, jokatuko dute Arbuluk eta Mendizabalek Aranbururen eta Lizarralderen aurka.

Finalak datorren abenduaren 14an, zapatua, jokatuko dituzte, herriko pilotalekuan, 11:00etan.

Oraingo aste bukaeran, bestalde, ez da Gipuzkoako Kluben Arteko Txapelketako pilota partidurik jokatu, ez Antzuolan, ezta kanpoan ere.



**Sagastin bide berria egiten**

Aurten, uztailean, asfaltatu zuten Sagasti auzo berriko bidearen zatirik handiena, herriko jaietarako, hain zuzen ere.

Antzuola Udal Etxegin-tzako bi etxebizitzaren aurreko aldeko zatian, baina, ez zuten biderik egin. Orain ari dira bide hori egiten, eta asfalto ere botako dute.

Horixe izango da lanen lehendabiziko fasea. Hemen-dik gutxira, baina, saihesbidetik Sagasti auzora sartzeko bidea asfaltatu egingo dute./A.I.

KIROLA

**PARTIDUAK**

**PILOTA**

Oraingo aste bukaeran ez dute Gipuzkoako Kluben Arteko Txapelketako partidurik jokatu.

**EMAITZAK**

**FUTBOLA**

Legazpi 4 Antzuola 2 (2. erreg.)  
Antzuola 9 Eibartarrak 1 (Gazteak)

**PILOTA**

Gipuzkoako Kluben Arteko Txapelketa  
Azkoitiako-Olalde (infantilak) ... 7-18  
Olalde-Erniobe (eskuz nag.) ... 22-0  
Olalde-Altzartarrak (paletaz nag.) 35-24

**LARREA**  
**TABERNA**  
Kalebarren 17  
ANTZUOLA

**ANTZUOLA**  
Apainketak eta  
isolamenduak  
Pladurrezko dibisioak  
Kalegoi 21 ANTZUOLA  
676 997 400  
Biltegia: 943 78 70 40

*Tomas Gezalaga*  
Apainketarako eta  
industriarako pinturak  
Paper margotuak  
Moketak eta tapizatuak  
Kalegoi 21  
Tf. eta faxa 943 76 64 07  
Poltsikokoa 616 277 999  
ANTZUOLA / BERGARA

**GAILUR**  
taberna eta  
gozotegia  
Buztinzuri 13 ANTZUOLA  
Tf. 943 78 70 32

*Tomas Gezalaga*  
Zoruen kutxilatua  
eta  
barnizaketa  
Kalegoi 21  
Tf. eta faxa 943 76 64 07  
Poltsikokoa 616 277 999  
ANTZUOLA / BERGARA